

微微形奪收雪致霜狎獵魚鱗闕千鐘乳結
華嶠霞於瓊銅柱陰陽得配恬怡相處雲則
從龍風則從虎影之隨形響之應聲水性潤
下火氣炎上天地坎離自然之狀寬定寬疑
氣貫秋霜氣味混沈南北不分排陰立陽從

一至九先白後黃赤黑裏色變更紫光華
赫然九轉純陽五方炁足歸彼厚土而成還
丹流形金石致火一年志士服食金砂九還
須臾變化風馳霧散百骸九竅四肢五臟搜
索陰蒸乃立正陽如冰之解而歸太玄昧者
何知遇則不迷若宿種機性則自契真理志
節堅貞感當曉悟性蒙意拙懷疑不信益積
殃深厚厚終不開昭昭之義不可欺誣學者
悟之贈予志焉
太上日月混元經

太上洞神五星諸宿日月混常經

此斗之星太一之精常以四孟元日為卜人
遊於聚落之處誠度談論與常人異儻度心
求問者無不應耳

木歲星之精其性仁常以立春後甲乙日遊

於青觀為人端正中形少髭鬚衣綠衣裳參
問釋侶談玄詰難理無所敵恭敬和雅貌殊

衆人目精明朗好齒口善接對知者尋而問

之以禮待之言論有所求者但以心事白之

無不從允若求錢財俯對以仁常取辰日伏

於東嶽

火歲星之精其性禮立夏後以丙丁日為朱

衣童子好顏色形容端正衣異色之錦異花

之綾耳目聰俊多儀範揖讓進退舉止合儀

言語分明好與小兒同羣偶誑語邑中之事

警覺先知識者而問之好人求心事俯對以

禮是人皆得從志常以未日伏於南嶽

土鎮星之精其性信常以四季及季夏土王

戊己日遊於市肆酒店衣黃衣形狀殊異好

美飲食自齋持訪人同食有遇者得飲食錢

物求者如請以常多奇道理遊行季下常欲

濟人過者子孫富貴錢財日自資長常以辰

日伏於崑山

金太白星之精其性義立秋後庚辛日遊於

女色之家衣白衣長大善音樂能言語有實

物遣人識者求之無不稱遂或為老人騎白

馬亦有執樂器求之亦願與人常以戌日伏

於華山

水辰星之精其性智常以壬癸日遊於溪澗

幽奇之處或臺榭之上蒼黑色衣服執尺書

吟詠優遊自樂言語詼諧多道理識者求之

以文書術數授與人常以戊己日伏於恒山

日者太陽之精常以四五丁巳日遊於大澤

中衣黃赤衣乘驄馬獨行歌唱自娛樂馬上

有文書彙如識者以此日澤中訪之道禮義

書不死之術行大郡好女之家有遇者必得

仙術耳

月者太陰之精常以辛酉日為女好色能言

語善行出好容儀獨遊湖中識者多問兵機

奇勝之術亦廣濟人遇者國王好愛自然得

好官職一生貴富亦愛與人寶物常以丙子日伏於軍旅之中博慕廣愛求之者皆如意自於別處得錢衣物三年之內稱意富貴覺是已上七精者常以禮待賓接一生富貴官職稱意所求皆得有所得者即是度世不死之術

角星之精常以立春後寅卯日遊於寺觀中形少髭鬚參問禪理無所敵或遊於酒肆自飲樂衣青蒼衣識者求之多示人養生播種之術

亢氏房三星之精常以寅卯日同行衣青蒼衣皆乘驄馬遊於人眾中或大齋會處容貌殊異頭上微有紫氣即是求之多與人救世之術不令貧苦

心尾箕三星之精常以辰日同衣黃衣或為道士遊於寺觀中每手中皆執一色異物身形端正少言語識者求之示人醫術方藥是此七星之精往見但能識察者求之皆得隨意自然富貴亦令人多精神聰明智利井鬼二星之精常以巳日為師僧端正執珠

如意遊於忠孝之家好事及貴人家求好飲食及酒與之不求自得富貴此日陰陽合者定生貴子所求皆得自通亦好妙巧功於外人亦無所求取矣

柳星二星之精常以甲午日作道士好精神能言語愛以道術不死之法誘人求者皆得白日上昇其形中衣黃白衣衣下更有珠衣囊識者以禮待之若生不敬之心即遇賊敗

執酒器遊於大墅聚落求之者多遣人酒飲者求為地仙不死若言語誇議即生不具之子三年內破家若敬仰即生貴子錢財日自

實生長凡前七星之神精過者不為重臣即為當世術士過者一月內肥白充溢錢財不求自得賢人哲士不求自至皆得過之

奎星三星之精為美少年奇文足巧衣帛不定乘好白馬亦是馳騁常以申酉日遊於聚落好將珍寶物相隨識者求之皆得所與遺好果子喫者不死若女人喫即生貴子重臣奇才

昂畢二星之精常以庚子日為少年善音樂或執樂器遊於貴人重臣之門生才藝貴子若生女子即為妃后好飲酒與者大富

紫參二星之精常以戌戌日為童子好姿顏多媚好乘驄衣黃衣手中執金銀器花葉形狀與時人不同過者求之皆得所欲即自然得好官職好妻美好衣裳常有人自然遺之

蓋非力也凡此七星之精所到人家累世不貧識之不死所求如意若不以禮待之三年之內家破人亡生不具目之子亦令人生賊惡子

斗牛二星之精常以壬子日為老母好顏色衣青黑色衣能言語妙術對持好衣裳賣好遊善人之家及好事家所得則乃敬重之若衣之入朝即天子好愛官職不求自得女人

衣之即生貴子聰明多藝地下金銀不求自得之

女星之精常以癸巳日為少女可年二十已來容貌無比鮮衣服妙行步能梳掠善化人遊於聚落以度男子得過者時得富貴為國

重臣不出三年君自微召若非理極對言語
干顯不出三年患大疾合者若有求術即得
太陰玄女不死之術曰日上昇

虛危室壁四星之精常以癸丑日為尼師好
顏色衣鮮潔衣服遊於聚落或至人家門戶
廣說譬喻以度男子得遇者當年田蠶六畜
家業日日資長生貴子必為重臣大富貴不
求自得鬚髮不白意有所求若不隨意者一
年之內家破人亡生無目之子凡前七星遇
者得一切欽敬有所欲者即應一切不求自
得老者反少

凡前諸宿之精識者多矣但諸宿之精所臨
分野及至聖明官長所治之邦亦皆見此太
公識太白之精李斯識鎮星之精諸葛亮識
榮惑之精得兵機祕要之訣黃帝識太陰月
之精白日上昇張良識歲星之精及太白之
精韓信識角亢之精李靖識南方七星之精
得萬勝兵訣雷公之式曹操識日精李淳風
識東方七星之精通玄象識氣候若過論識
者甚多矣自古及今非一人而得之文煩不

能具載尋往往見之見者自然聰明皆自富
貴識度與常人不同即須在意

太上洞神五星諸宿日月泚常經

正一天師清微弟子 洪百堅 製作
道教學術資訊網站

二經同卷

太上妙始經

太上浩元經

十五

太上妙始經

太上老君曰道出於無形無名無聲無色無
味淡然而虛無為宗自然為生以清微玄元
之氣為本有無極之功無表無裏亦無上下
無有前後靜為一體先天地而生其要妙廣
遠彌漫不可得名故字之曰道合則為元氣
散則天地天地三千六百億萬歲一合會數
窮於三五七九而天地壽盡盡之時陽精
化為火陰精化為水先以火燒其上至六天
下至九地然後以水平之混而歸一復三千
六百億萬歲一開方復分別元氣清者為天
濁者為地天玄而清地本而黃太陽之精為
日太陰之精為月復分日月之精為星辰二
十八宿天有四時五行六甲十二時天地之
氣交合然後人民禽獸草木蟪行蠕動森然